

吉安府志卷之二十三

中憲大夫知吉安府事

死事傳

宋

李靚

李靚龍泉人幼孤長就學既數年嘆曰國家遭猾夏之變郡縣雲擾當捐軀為國越天憇安能啗囁章

吉安府志

死事傳

吉

旬間大將岳飛督師挺身從之未幾聞母訃歸釋服走淮安以策干都督張浚浚奇之使隸淮西總管孫暉麾下積閱授承信郎紹興十年虜遣翟將軍入寇暉分兵禦之靚獨與部曲當其鋒轉鬪至西京天津橋南大小數十戰卒俘翟將軍乘勝逐北會虜益濟師遂死之時年三十一詔贈兩官官其一子

元

羅明遠

楊本巖

賀仲英

周冕

姚正叔

王繼遠 周元定 康震 劉宗權 曾真

楊介 彭文遠 鄧椿 張心禹 蕭同善

陳新 劉福 劉雯 張光遠 羅惟遠

羅明遠廬陵人至正間徐壽輝偽將陳普女陷吉州

路明遠起義兵復之時賊至吉官兵失守遠率敢

死士四百人大呼巷戰殺賊數十百賊卻而遠死

焉郡立廟祀之

楊本巖廬陵人讀書起家直學遷白鷺書院山長元

季兵起巖率民兵保障其鄉以功遷本縣主簿捕

吉安府志

死事傳

二

東固之賊乘利深入寇設伏弗備遂遇害子節感

憤力戰寇并其徒鄒勝殺之義士謝願賢奮入賊

區收巖父子及勝屍以歸鄉人高其義

賀仲英永新人慷慨好義至正末湖北盜侵邑境仲

英以保障鄉閭功補義兵巡檢未幾湖南崗獠乘

亂復來攻城仲英率其從子德新德慶與戰大敗

之賊忿合他寇并勢逼城仲英曰不掃其巢城終

不可守也遂賈勇深入戰死於間溪從子理安追

賊奪骸而歸

周冕廬陵人少讀書自高負由文學出宰康山以廉
介稱賀州洞寇周滿反官兵討之不克招之且不
來顧曰審是周縣尹來乃降爾冕往寇果望見偃
旗鼓羅拜迎降後家食至正兵起監郡起冕及前
松江同知劉福領兵次龍湖寇至冕率兵死戰遂
與福俱死冕身被五十餘鎗監郡憐之爲立祠
姚正叔安福人盜起憤之率鄉間擊却之數年諸賊
不得逞志安福皆正叔力也至正乙未袁賊悉銳
進衡頭背正叔者引賊直抵砦下正叔率所部力

吉安府志

死事傳

三

吉

戰至不能支舉旗招援時監普刺同知擁兵咫尺
不救姚死賊遂根盤姚所居州東小橋頭過者無
不流涕周石初靈震弔之以詩

王繼遠安福人早以氣節自負至治間以薦授廣州
推官時亂繼遠以義激衆力拒之寇卻而繼遠歿
于陣事聞贈總管謚忠愍廟祀南海

周元定吉水人以父恩蔭得補官至江浙路通判性
剛果紅巾之亂元定糾衆拒之力戰而死

康震泰和人從吳草廬學後被薦爲益陽慶洲書院

山長歸元季亂監州達理馬識禮倡士民爲戰守
脩震首傾貲糧與定謀議及叅政金子仁率師東
下震復傾貲應之未幾熊天瑞入寇震度不可爲
匿重崖中不食死

劉宗權廬陵中洲里人至正亂監郡納速兒丁檄攝
縣馬合穆戍安福膏澤二鄉宗權故倣儻衆推之
爲義率乃傾貲募丁勞身爲士卒先復言郡增修
玉城山壘丙申永新安福二縣寇合謂此壘實梗
中道使我不得逞志益整其來攻玉城受圍勢孤

吉安府志

死事傳

四

山腰汲泉復爲寇據乃身死突圍出爲賊掩獲以
兵脇之其子朋遠曰殺吾父寧殺我賊併殺之姪
而初妻彭氏同死

曾貫泰和人由薦舉爲紹興照磨善著書有周易變
通四書類辨數卷傳于時應監州辟戰龍泉寇于
觀背死之

楊介泰和人楊景行之子以蔭補清江縣簿歸鄉里
時監州募兵保境辟介率兵民戍玉山介嚴約束
以身先之寇不敢犯未幾友諒兵至下令錄寓官

以脩周介言於衆曰苟有見汚辨一罵速死耳遂屏跡山中鬱憤而死

彭文遠龍泉人至正辛卯徐壽輝破袁瑞臨江攻吉安邑民羅邦並起剽掠壬辰行省命萬戶張祥守龍泉辟文遠爲護民巡檢寇衆逼城文遠大呼奪擊手刃數人寇橫槊刺之被擒其從弟大遠奪賊騎馳去之吉郡請兵遂以大遠爲前鋒涉南州河會風雨大作後隊不及渡寇衆蹴之擒大遠與其家十九人及文遠同日殺之

吉安府志

死事傳

五

鄧椿吉水人爲臨江掾僞漢寇臨江椿集廬陵義軍偕萬夫長楊璫等及賊戰斃合兵潰死

張心禹吉水人倜儻有志節元壬辰盜起佐趙州知州劉震禦之震命長子孟初同心禹率衆直擣其穴乘勝深入伏發全衆陷沒禹及其子偕死之

蕭同善萬安人奉郡辟攝本縣事壬辰盜起同善與其尉荆世傑集義士守禦民賴以安甲午復攻城善督衆力戰被執賊脇之跪大罵不屈賊裂其喉死

陳新泰和人以新淦州判歸省監州聞其賢辟守東境時授少食盡被賊執不屈死

劉福郭大俱吉水人福官松江同知大為巡檢壬辰寇起分隊出烏東河源我軍兩翼擊之福大乘勝

逐北獲其渠帥斬首數百級日漸曠寇從汝陂拳嶺尾襲焉大被殺福抽矢督戰又斬首數百級獲

馬三尋以矢盡失援竟死之

劉雯字漢章安福人由岳州常平副使辟湘南帥府從事未就會淮賊據安成壬辰閏月首起兵復州

吉安府志

死事傳

六

吉

治不言功至冬假行軍鎮撫出兵援分宜官軍戰敗悉潰獨單騎身敵死

張光遠羅惟遠俱永豐人元季盜起殺掠巨宗慘酷不忍聞光遠怒髮上指其友惟遠尚氣節遣人夜致之相與建奇策剪寇寇謀知之率眾執羅去授紙筆使寫首謀者羅瞋目視之大書一死字賊又接于樹窺其腹羅嚼齒三日大嚼而後氣絕尋又繫光遠殺之聞者莫不隕淚

明朝

孫本立

曾萬中陳海雲刊

李繼先

蕭可弘

尹羅如塘

張洪

胡信方

馬鉉

朱哀

王應騰

唐興

孫本立廬陵人自少武勇稱鄉里壬辰兵起本立糾

合豪傑等輩數百人保捍郡邑戊戌偽漢陳友諒

至本立與儕偶曾萬中陳海雲力戰辛丑三人附欵

高皇帝乃授三人者以官為叅政諒將熊天瑞據贛

州怒本立不附已潛襲其軍本立遇害癸卯五月

諒遣知院蔣必勝等復陷吉安遂執曾萬中陳海

吉安府志

死事傳

七

吉

雲皆殺之萬中吉水人海雲永豐人

李繼先廬陵人父誠則以能詩稱才子嘗教督繼先

學繼先心念世平貴文事世亂先武功因忝事

高皇帝以韜畧受知授樞密判官會南昌降將祝宗

等復判叛友諒悉兵來圍左右翼元帥後先戰沒

敵攻彌急繼先出戰力屈被掠死敵中友諒平贈

繼先隴西侯立廟祀之

蕭可弘吉水人洪武五年被徵至京帥以老母辭

高皇帝憐之遣歸十五年又徵至又以母力辭乃授

新諭教諭以便將母及服闋改鉅鹿靖難後禮部
奏查鉅鹿無賀表逮可弘赴詔獄死妻子責戍遼
東

尹昌字輯禎羅如壙字本崇俱吉水人正統間爲行
人時秋也先入冠軍府告急闖王振者大同人也
恃寵侮權積賄巨萬園圍臺觀僮奴牛馬半在大
同恐虜殘傷引永樂北伐事勸車駕親征且冀
臨幸以自壯卽詔出師官軍旣無夙戒虜勢且
盛振故匿不以聞廷臣故畏振莫敢言朕逆知師

吉安府志

死事傳

八

吉

出必敗莫不冀免尹謂同官曰孰與吾偕行衆俯
首未有應羅熟視同官曰主憂臣辱今日又何擇
乎遂自請行將行過劉儼曰適與妻子訣茲行安
危未可豫也萬一有它吾必死墓銘當以屬君上
馬徑去又數日尹自軍中遣僮歸因携道中倡和
詩十八首皆歎軍無紀律且憤振誤國相期必爲
報主計至土木虜伏起呼聲震山谷諸扈從者戰
悸墮馬不能上軍士忿怒解甲坐待死明日百官
潛歸甚衆二公死詔追旌各官其一子

張洪安福人正統間以御史

扈從土不死

詔

錄之正德間祀鄉賢祠

胡信方廬陵人爲刑部主事陞石阡知府未幾洞蠻
嘯聚悉衆薄城下信方率民兵固守力寡不支遂
遇害

馬鉉永新人爲工部主事差管遵化鐵廠律身廉潔
時役夫多疫痢鉉親治藥活之陞廣西叅議會古
田苗賊猖獗自將往勦之出其不意斬獲過半班
帥歸遇伏兵死事聞贈叅政錄其子

吉安府志

死事傳

九

加

朱哀字崇晉泰和人祖父籍楚家焉嘉靖丁酉哀中
武楚省初仕署鞏縣教事陞武功知縣抑權豪振
淹起弊關中稱爲鐵漢陞揚州府同知民遮道留
者萬人佐揚州一歲事妥民服吏無能索民一錢
者未幾倭寇犯境哀卽領兵出遇寇于沙河敗之
殲其巨酋奪俘畜百計以還哀不色喜翌日寇大
至且薄城東門哀曰耻也帥步騎大進抵敵壘有
頃伏發兵潰哀遂遇害事聞 朝廷悼之持贈布
政司左叅議賜祠揚州錄一子初哀未仕時見邸

報有死諫者輒大息曰處其地而不爲其人非夫
也在武功修蘇武祠作詩頌慕蓋其天性忠義如
此

王應鵬吉安所指揮僉事嘉靖辛酉嶺南賊起掠泰
和鵬與百戶陳策領兵禦賊右哨稍卻鵬策戰死
事聞立祠祀之加陞鵬子指揮同知策無嗣時有
馮鎧者安福洞背人提民兵禦寇奮勇當先殺數
賊力盡爲賊所殺當道表其門曰義勇

唐鼎永新守禦所千戶爲人篤慎辛酉之亂巡守檄

吉安府志

死事傳

十一

鼎從征至泰和寇朝里力戰矢盡爲賊所害巡按
御史奏聞贈官陞廕二級立廟死所祀之

明朝

自萬曆十四年起

劉以森 李之清 徐士驤 周國柱 賀育瑞

劉以森號轉華廬陵人萬曆丙午舉人崇禎庚辰受
定南教諭癸未陞國子監助教甲申陞工部司務
未受任闖陷京畿被執索賂森大罵不屈賊益怒
加以酷刑肉糜踝折氣盡而死

李之清號白汀廬陵人萬曆戊午登賢書任寧鄉教

諭陞廣西左州知州轉山西大原府同知會鬪寇
逼潼關圍大原攻三日城破清被執大罵曰朝廷
何負於汝汝乃破州郡掠子女王帛耶賊怒遂殺
之

徐士驤字公驤吉水人崇禎癸未獻草躡吉州驤携
妻子避邑之東山賊獲之驤以死自矢囑其妻謹
守名節執至偽管賊將欲官之驤厲聲曰我

天朝臣子肯同爾作賊耶不屈見一井急投下賊緹
出劓其鼻彼斷一臂驤罵不絕口賊怒甚乃刳心

吉安府志

死事傳

十一

剝膚脩極痛楚而卒

周國柱字汝梗王之爵字以天安福人癸未冬張獻
忠大舉寇吉國柱率諸族人申明高皇帝條諭
部署壯勇思以禦賊賊至國柱身光赴聞厲聲大
叱賊爲辟易已而窺其從者僅二十人乃反鬪被
三創死之爵遇賊大罵賊逼之入水死又有王恭
天王選寶皆以被執不屈咸遇害邑人嘉其義祀
於忠節祠配食邵公夢何焉之爵中黃騰達榜舉
人周與二王諸生也

賀育瑞永新人崇禎丙子臨武賊犯境同把總李用
斌哨長卮象新鄉民劉康生力鬪死撫按遣官致
祭於其地庠生左國弼癸未張寇犯境脅受長沙
知府弼肅衣冠拜辭祖廟罵賊不屈而死同時若
周宗孔湯錫福金爾試蕭額卿賀遇宏賀期生皆
罵賊不屈遇害

吉安府志卷之二十三 畢

吉安府志

死事傳

十三

